



JACHIK USACHIK
UKOJK UPWAQIL RI
TINAMIT PAXIL RECH
JUNAB' 2024



GOBIERNO *de*
GUATEMALA
DR. ALEJANDRO GIAMMATTI

MINISTERIO
DE FINANZAS
PÚBLICAS

OKIB'AL

Are chi' sib'alaj utz kub'an ri chak patan chech ri uk'amik uq'ab' ri Qatinamit, ronojel q'ij rajawaxik utz utaqexik kb'an chech ronojel taq ri chak, jalajoj uwach wa', k'i rilik xuquje' wene rajawaxik knuk'ik jacha' kuta ri k'ak taq chakub'al kamik, xa ne' are kuya uq'ij ri suk'alaj chak b'anom rech kuk'utwachij ri Proyecto de Presupuesto rech Qatinamit pa we junab' 2024. Weri' xk'am uq'ab' xchajix ri k'asaj k'o pa uwi' ri Qatinamit rech man k'o ta k'ax kuya'o, ri utz umolixik ri pwaq xb'anik xuquje' ri utz ukojik.

Ri upwaqilal ri Qatinamit Paxil, kuto'o chi utz ujachik ukojik kb'an chech ri pwaq k'olik, we ri' are xsolix ujachik chi kech ri k'i taq wokaj chi tajin kechakun kuk' xuquje' pa kiwi' ri uwinaq amaq', we ri' are kuya'o chi sib'alaj k'o uko ri jastaq chi kiwach ri qawinaq rech man k'o ta mayib'al pa uwi' ri rajawaxik chech kik'aslemal ri qatinamit, rumal k'ut chi xa junam kb'an ri chak pa uwi' ri ukojik ri pwaq, pa suk'il pa saqil.

Chanim are kurayij anima' chi kk'utwachij chi uwach we keb' uxaq wuj, ri chak patan b'anom pa uwi' ukojik sachik ri Upwaqil ri Qatinamit, jampa' ne' lo ri pwaq okinaq xuquje' jampa' ri elinaq ub'ik rech kojom kuk' ri amaq' rech jun utz wachi'l pa komon, kq'alajisaxik ri uk'u'x ri pwaq chi kojom chik pa taq ri tinamit komon. We wuj ri' kuya panoq uk'utik ri chak b'anom chech ukojik ri pwaq pa uwi' ri Paxil Kayala', kqiye'j b'a' chi sib'alaj nim upatan uch'ob'ik chi ri qachalal sik'inel.


UJACHIK, USACHIK UKOJIK UPWAQIL RI TINAMIT PAXIL RECH JUNAB' 2024

Ri upwaqilal ri uwachulew tajin kk'iyik, xa ne' mayib'al jub'iq' ri ch'o'j ktajin kkib'an Rusia ruk' Ucrania kuya k'axk'ol chech ri pwaq on upwaqilal taq amaq' rumal chi xpaqi' taq le jastaq, are xb'anowik chi xqaj uloq le uchuq'ab' le pwaqil pa ronojel uwachulew chi ki-wach ri nima'q taq wokaj rech ch'aqap ja', jacha' ri Fondo Monetario Internacional (FMI) chi xa upajom rij ukojik taq urajawaxi; ri xkwinik xunimarisaj 3.5% pa ri junab' 2022, tajin kil chi panoq chi kqaj lo pa 3.0 % chech we 2023 junam ruk' pa ri junab' 2024.

K'iyem pa uwi' me'r korti'l junab' 2022-2024

(Uch'aqapil upajb'alil)

Me'r korti'l rech uwach ulew



Fuente: Elaboración propia con base en los datos obtenidos del FMI (julio 2023)


Pa uk'exwach xa kwala'j ukojik taq le me'r xa xtzalij uloq chi rij, jela' kk'utun pa jujunal junab' q'axinoq pacha' kiltaj pa ri junab' 2022 k'ate' k'uri' xqaj uloq pa 1.5% chech we junab'. Ruk' wa' kilitaj wi chi ri upwaqil ri Estados Unidos de América chech we junab' 2023 kk'iyar jun 1.8% we ri' kilitaj ne lo kqaj uloq

pa 2024 k'a pa 1.0%. Nik'aj taq tinamit chik kkikoj le q'inom uchuq'ab' pwaq kik'yaqom chi apanoq rij chi are e kowin- nel chi rech xa kkiwa'lajisaj uchuq'ab' kipwaq, chqila pe' rech le tinamit kb'ix Europa chi kech pa le junab' 2023 k'o pa 0.9% k'ate' k'uri' kopan na pa 1.5%, are k'u le jastaq kkikoj xa kqaj uloq.


K'iyem pa uwi' me'r korti'l junab' 2022-2024

(Uch'aqapil upajb'alil)

Uk'iyem me'r korti'l



Ab'ya Yala'



Fuente: Elaboración propia con base en los datos obtenidos del FMI (julio 2023)

Pa ri tinamit kb'ix chech America Latina, le wokaj FMI kub'ij chi pa we junab' uj k'o wi xa kqaj ulo pa 1.9% ub'inem uchakuxi rij le pwaq, ri teren chi uloq pa le junab' kk'extajik, xa kpaqi' pa 2.2% 2024.

Pa taq ri tinamit rech Centroamérica, sib'alaj k'ax kriqitajik, jewa' ri retaxik kutzaqa' kilitaj panoq; pa junab' 2023 kopan wa' pa 3.6 % xuquje' 3.8 % kpaqi' pa ri junab' 2024. K'i taq kb'anow rech, qas kya'ow uch'uqab' are le pwaq ktaq uloq kumal qawinaq e b'enaq che chak chi elq'al pa Ch'aqap ja', are la kuk'asle- maj le tinamit Guatemala, El Salvador xuquje' Honduras. Ronojel wa' kk'ul- matajik rumal taq le k'exoj kyat'aj pa nik'aj taq tinamit chik, ktob'an k'ut rech kqaj lo rajil ri jastaq ke'ok uloq rech ktijowik xuquje' ri uchuq'ab'ib'al taq le ch'ich'.


Jun chik kk'extajb'al ri pwaqilal chi rajawaxik chech upajik ri pwaqil, are ri paqalinaq wi, ri rajil taq ri jastach chi kech ri loq'omanelab', chi kuya k'ax chi kech ri tinamit. Kamik ronojel taq ri jastaq man ktz'aqatisax ta chik pa ronojel taq amaq' rumal ri uchakub'exik aninaqil xuquje' uchomaxik rij kkib'an taq ri k'olib'al pwaq ruk' wa kqaj lo rajilal pa ronojel uwachulew ri jastaq ktijowik, ri kaxla'an q'aq', chi uwach ri uqajem loq rajil le uq'inomal uchuq'ab'il ch'ich' xuquje' ri una'jtajisaxik ri qajem uwach taq ri jastaq rumal ri Wokaj taq Amaq' Q'axinelab' rech taq ri uch'uq'ab'il taq ri ch'ich' e kachi'il nik'aj chik patanelab'(OPEP+), xaq junam ruk' ri uqajem lo ri jastaq man e paqal taj e petinaq pa Rusia xa rumal xqaj q'atb'al tzij chi kij rumal ri jastaq kkesaj are'. Rumal wa', ri FMI kuchomaj chi pa ri junab' 2023 knimarik pa ronojel uwachulew k'a pa 6.8% xuquje' pa 5.2% pa ri junab' 2024. Le nima'q tan tinamit kib'i' europeos, man nima'q ta la' kpaqi' rajil le jastaq chi kiwach.

Chi upam we tinamit Paxil Kayala', ruk' kub'ij le wokaj chakunel rech pwaq Banco de Guatemala (Banguat), kutaqej pacha' ne ub'anom. Are ri man kq'alajin taj xa rumal are kuk'am ri kk'ulmataj pa nik'aj taq tinamit chik ruk' wa' kye'xik che ri pwaqilal kni-

Jalajoj taq k'extajem pa uwi' me'r rech Paxil Kayala' 2022-2024

(Uch'aqapil upajb'alil)

Uch'akoj amaq'



Fuente: Elaboración propia con base en los datos del Banco de Guatemala.

mar chi na uwach pa keb' oxib' junab' ruk' 3.5%, xa k'ut are krilo chi pa taq ri ch'aqap ja', are kk'iy pa 2.5% xuquje' 4.5% pa ri junab' 2024 kiye'xik chi jewa' kub'an chech we junab' 2023.

Rilik chi panoq rumal ri kk'ulmataj pa taq nik'aj tinamit chik ri Banco Central kril panoq chi pa we junab' 2023 kkowinik kuyak rib' ruk' taq ri kuk'ayij, kuchomaj chi kuch'ak ri ral pwaq k'a pa 4.5% xuquje' 4.0 % pa ri junab' 2024, ruk' le jastaq kk'ayixik pa we amaq'. Pacha' taq ri kok uloq, sib'alaj knimar uwach k'a 6.5% pa we 2023 kopan pa 6.0% pa

le junab' chik, kub'ij chi sib'alaj utz chi kech jalajoj taq ub'antajik ri winaq che sachoj pwaq. Je k'u la' kub'an le pwaq ktaq uloq kumal uwinaq jun tinamit e b'enaq pa jun chik tinamit

che chak, kkib'an le ajq'atb'al tzij chi rij pwaq kub'ij chi xa kpaqi' unimal jeri' pajital rij kumal ri Wokaj Pwaqilal pa ri junab' 2023. Kopan wa' pa US\$19,393 millones le kkitaq k'a 7.5% xyaktajik chi uwach le junab' xq'ax kanoq, pa we junab' 2024 kopan wa' pa US\$1,164 millones, kuriqa' US\$20,557 millones kpaqi' wa' 6.0%.


Le uk'iyem pa ri Paxil Kayala' are taq kqajunumaj kuk' taq nik'aj taq tinamit chik, jacha' taq ri kilitaj pa taq retal taq wuj xa keqaj uloq, jun tob'anem wa' chech upoq'risaxik winaqil rech we ik' diciembre, are taq kuk'utwachij 4.3% are taq keqaj ri diciembre 2024 kriqitaj we retal pa 4.0%, jujun taq wa' retaxik chomatalik chi upam ri ya'talik rumal ri q'atb'al tzij pa uwi' upwaqil tinamit.

Ri b'i'tal rumal ri taqanik IV ruk' we amaq' Paxil Kayala' tasatalik pa we 2023, ri FMI xupaj rij ri chakunem xuquje' we rayital k'u'x kech ri nima'q taq tinamit ri e q'inomab', chqab'ij k'ut chi wene k'o k'o ri k'axk'olil are taq b'a ri keb' oxib' ni-

Jalajoj taq k'extajem pa uwi' me'r rech Paxil Kayala' 2022-2024

(Uch'aqapil upajb'alil)

Unimal rajil taq ri jastaq



Fuente: Elaboración propia con base en los datos del Banco de Guatemala.

ma'q taq wokaj ri kkipaj rij ri rajawaxik xkikoj retal ri uqajanik ri tinamit rumal chi qata kwachin ri upwaqil rumal chi kjunumataj ta kino'jib'al pa uwi' rech jun utzalaj usachik kb'an le upwaqil, ri e kowinaq chech rilik ub'anik pa uwi' ri jalajoj taq chak patan xuquje' jas uriqik k'ak' taq wokaj tzujul taq chak, jacha' ri koj b'al retalil ri ub'inem ri uwinaqil.

Unik'oxik upwaqil ri amaq' Paxil Kayala', ruk' jun cholchak ri chomatalik utz ukojik ri qajanik kb'anik ri man ruk'a'm taj k'axk'olil, are uxe'al uwokik ri urajawaxik ri tinamit. Pa uwi' ri rayin k'u'x kuk' taq ri nima'q taq wokaj kech taq cholchak ruk' ri ja k'olib'al pwaq rech ri Paxil Kayala' junam kuk' taq ri e molonel taq upwaqil tinamit SAT, ri chomatalik ksach pa ri 2024 jun cholchak ya'l ub'e rech ri utz ujachik pa le jalajoj taq wokaj ilonelab' rech ri jalajoj taq rajawaxik rech uriqik ri utzilal kuk' ri uwinakil tinamit Paxil Kayala'. Ri utz ukojik usachik ri upwaqil ri tinamit junam ruk' ri rilik ri qas rajawaxik kq'alajisaj chi kch'aw uk'u'x ri k'amal b'e chech ri utinamit ri qas krilo jawi ri kriqitaj ri rajawaxik rech jun k'ulb'al k'u'x rech ri amaq'.

Ri uwokik taq ri cholchak pa uwi' ri jalajoj taq rajawaxik rech ri amaq' pa we junab' 2024 xwok panoq jacha' ri kub'ij ri taqanik pa uwi' ri jun keb' oxib' ucholajil. Xkoj retal ri jalajoj taq chak ri b'anom iwir kab'ajir xuquje' ri cholchak K'atun xtaqex loq ri rayin k'u'x tz'ib'atal pa we cholchak xuquje' ri pajatal rij pa we amaq' rech kuriq ukolomal ri ub'inem ri uwinaqil ri tinamit.

Are taq kqakoj retal, ri upwaqil tinamit rajawaxik are Q124,880.0 millones pwaq, xpaqi' chech upwaqil ri 5.7% are taq xtas kan rij pa we 2023. Ri upwaqil tinamit are taq ri kmulixik pa ri jalajoj taq jachatal wi (78.9%), kpaqab'ax che ri pajtalik ri 14.2% jacha' ri 2023. Ktz'aaqatisax ruk' ri keb' on qajanik chomatalik ruk' ri (10.9%) xuquje' kk'am panoq nik'aj taq tob'anelab' chik (10.2%).

Pa uwi' ri upwaqil ri kmulixik, chomatalik chi kmulix Q98,533.3 millones, pa uwi' ri kb'ix chech ri (ISR) xuquje' ruk' ri (IVA) jun la' chik jawi kpe ri upwaqil tinamit.

Rumal k'u la', rumal chi xpaqab'ax ri tojonik kkiya ri uwunaqil ri tinamit, chech pa we 2024 maj kk'exetaj che jumul chik ri 11.7%. Kqajunumaj ruk' ri b'anom loq, ktzukux ukolomal jas upaqb'axik ri umulixik ri upwqil, jacha' ri ukojik ri tablero Power BI de Microsoft rech rilik ri ukojik ri Uwujil K'ayloq'oj pa kaqiq'. Ri upwaqil ri man kjunumax taj, rech upwaqil xuquje' ri ujachik kjunamaxik kub'an 3.9% upwaqil tinamit, ruk' ri utob'anik ri ilonelab' xuquje' ruk' ri ri jalajoj taq uwach chak patan.



Upwaqil ktasik are ri 17.2% tasatalik pa upwaqil, xuquje' ri kel b'ik, usolixik xuquje' ri uk'olik pa ja k'olib'al pwaq, jun chi kech ri upwaqij rech caja rech nik'aj

taq chak ri e b'anom xuquje' nik'aj taq taqanik chik, kilitaj k'ut chi kjachan ta ri upwaqil ri tinamit, xuquje' chomatalik chi kko'pix ri qajanik pa Q2,199.9 millones chi uwach ri 2023, are taq kuk'ya k'a ri Q13,672.0 millones.

Ri utz ukojik, ri upwaqil kopan pa Q124,880.0 millones, chila' k'ut ri 89.6% wa' kjach pa waqib' wokaj are taq k'o pa kiq'ab' ri rilik ri jalajoj taq chak rech Q'atb'al tzij pa uwi' tijonik, k'asaj chi rij nim tinamit, Q'atb'al rech utzwachil K'aslemaal tob'anem chi rij tinamit, Q'atb'al tzij rech utz wachil tinamit y Q'atb'al tzij rech jalajoj taq chak ajtz'aaq.

Pa kiwi' ri wokaj taq keriqitaj pa we ja k'olib'al pwaq, are taq kjach ri upwaqil ri wokaj k'amal ub'e nim tinamit kuk' taq ri uq'ab' taq wokaj ilonel solinel taq rech chak, rech ktaqex ri ktaqan ri Nim Taqanib'al rech Amaq' Paxil Kayala' ruk' nik'aj taq taqanik chik, kq'alajisax ri xpaqi' chech ri upwaqil 0.7% ruk' ri xtas kan pa uwi' 2023, kumaja' ri Q279.3 millones pwaq, upwaqil taq Q'atb'al tzij rech tinamit xuquje' wokaj kechakun chi rij usuk'ub'axik tinamit, nim tijob'al, kuk' nik'aj taq chik.

Upwaqilal elenaq pa wokaj Jachom pa 2023- Oqxa'nem pa 2024

(Ujachik pa kaxa pwaq)

Wokaj	*Jachom 2023	Oqxa'nem 2024	Uk'exwachil	B'anom ujachik
Total	118,173.4	124,880.0	5.7	100
Presidencia	205.0	200.0	-2.4	0.2
M. de Relaciones Exteriores	739.8	784.8	6.1	0.6
M. de Gobernación	7,383.5	7,839.2	6.2	6.3
M. de la Defensa	3,222.3	3,502.0	8.7	2.8
M. de Finanzas	397.0	404.7	1.9	0.3
M. de Educación	22,254.4	23,050.6	3.6	18.5
M. de Salud	12,053.4	12,555.1	4.2	10.1
M. de Trabajo	1,413.5	1,425.7	0.9	1.1
M. de Economía	497.0	504.8	1.6	0.4
M. de Agricultura	1,514.2	1,676.0	10.7	1.3
M. de Comunicaciones	6,990.1	6,580.0	-5.9	5.3
M. de Energía	242.7	101.0	-58.4	0.1
M. de Cultura	672.7	720.6	7.1	0.6
Secretarías	1,434.4	1,452.3	1.2	1.2
M. de Ambiente	277.6	255.8	-7.9	0.2
Obligaciones	40,853.7	41,132.9	0.7	32.9
Servicios de Deuda Pública	16,141.7	20,778.4	28.7	16.6
M. de Desarrollo	1,728.1	1,737.8	0.6	1.4
Procuraduría	152.3	178.3	17.0	0.1

Fuente: Sistema de Contabilidad Integrada -SICOIN-

Nota: Pueden existir diferencias por redondeo.

*Aprobado mediante Decreto Número 54-2022 y sus ampliaciones al 31 de julio de 2023, de acuerdo a los artículos 104, 113, 117, 121 y 129 del mismo; y los Decretos números 01-2023, 05-2023 y 10-2023, todos del Congreso de la República de Guatemala.

Ri Q'atb'al tzij rech Tijonik, are jun chi kech ri q'atb'al tzij chi qas nim upwaqil, rumal chi xaq jub'iq' chik kuriqa' Q23,050.6 millones. Rumal la' ri 73.1% rech we upwaqil ri q'atb'al tzij ri' kkoj che ri jalajoj taq chak rech tijonik, kma-jitaq uloq pa uxe'al q'at tijonik kk'is pa urox q'at tijonik, xuquje' ri tijonik kya' chi kech ri winaq man kk'amom ta ri tijonik pa jun tijob'al, urayib'al we q'atb'al tzij ri' are krilij ri jalajoj taq q'at tijonik pa uwi' ri sik'in uwach wuj xuquje' rech kk'iy kajilab'al ri tijoxelab' rumal chi we junab' xa e 44.5% e tz'ib'atal pa junab' 2023 k'a 47.2% rech ri junab' 2028.

Ri Wokaj rech Upatenixik K'asaj kech Winaqilal kya' chech Q20,778.4 millones, jachatal wa' pa Q14,025.7 millones rech utojik taq ri ral pwaq, ch'akoj chi rij k'ayijk xuquje' nik'aj chik sachoj rech upatenixik taq k'asaj; Q4,278.7 millones qajb'al pwaq kuk' k'amal ta ub'e tinamit xuquje' uq'ab' taq q'atb'al tzij aj ch'aqap ja'; xuquje' Q2,474.0 millones rech utz'aqatisaxik ri keqaj wi lo ri pwaq rech Banco rech Guatemala, rech ri junab' 2022, pacha' kuta ri taqanik 16-2002 rech ri Taqanib'al pa Paxil

Kayala', Taqanik rech K'olib'al Pwaq pa Paxil Kayala' ri k'o pa ri q'ataj b'elejeb'.

Rumal ri' ri Q'atb'al tzij rech Utzwachil k'o Q12,555.1 millones rech kujach pa job' q'at cholchak: ri nab'e are utzuku-xik jun utzwachil, ukab' are uya'ik ub'ik jun utzwachil xuquje' jalajoj taq kunab'alil, urox are uq'atuxik ri kamikal kech ak'alab' xuquje' ri ak'alab' man kek'iy taj rumal man k'o ta ri kkitijo.

Ri jun chik q'atb'al tzij ri k'o Q7,839.2 millones kech ajchajinel rech tinamit, xuquje' rech ri uyakik jujun taq k'olob'al rech kek'uji le winaq xkib'an le k'ax chi uwachulew.

Ri Q'atb'al tzij rech B'ixikil, ri upwaqil are Q6,580.0 millones rech kujach pa waqib' q'at pacha' ri unimarisaxik, uk'ak'arisaxik ri taq b'e che we chak ri ya'om 45.3% upwaqil xuquje' ri ub'anik rutzil ri taq b'e rech ri tinamit Paxil Kayala' 23.6% jachom rumal ri q'atb'al tzij.

Ri nik'aj taq q'atb'al tzij chik k'o ri 10.4% upwaqil xuquje ya'om Q1,737.8 millones rumal ri nik'aj taq q'atb'al tzij tob'anel kech winaq xuquje' ya'om

Q1,676.0 millones rumal ri MAGA rech kito'ik ri winaq rech tiko'n xuquje' le nik'aj chik, rumal ri Wokajtz'ib' xuquje' ri jalajoj taq Wokaj chik rech Chakunem are k'o Q1,452.3 millones tob'anaq che uya'ik kirajil e ri'jab' winaq pa tinamit Paxil Kayala' ri k'isb'al rech are Q1,175.3 millones rech kito'ik ri winaq k'o chi oxk'al job' kijunab' pacha' kub'ij le taqanik 85- 2005. Xuquje' nimarisam uwach ujachik pacha' uq'atom ri Taqanik 10-2023.

Ri nik'aj taq q'atb'al tzij chik k'o Q3,150.0 millones kipwaqil, pa ri junab' 2024 ri jalajoj taq q'atb'al tzij xa kkiya uq'ij ri jalajoj taq tob'anik rech kito'ik ri winaq pa tinamit Paxil Kayala',

Rajawaxik kya' ub'ixik che ri pwaq k'i ri kb'e wi pacha' ri, ktab'an wi, ri kokisax wi xuquje' utojik jujun taq k'asaj rech tinamit.


Kurayij ri ronojel xya' ub'ixik are kilik chi jalajoj taq q'atb'al tzij qas nim kichak rumal chi xa kkiya uq'ij ri jalajoj taq tob'anik kya' chi kech ri winaq.

Pa ri junab' 2024 ri pwaq kopan pa Q81,144.8 millones, kjunamataj 65.0%, c|hech we ri' Q11,230.6 millones kokisax chech ri jalajoj taq loq'oj ri; Q41,194.1 millones che kitob'anik ri winaq y Q28,720.0 millones kojom panoq.

Pwaqilal kojom jacha rajawaxik Rech ri junab' 2024

(UK'utwa'chil pa kaxa pwaq)

Tajan kchakuxik



Fuente: Sistema de Contabilidad Integrada -SICOIN-


Ri ronojel ri upwaqil ri tinamit are jun tob'anik chech uk'ak'arisaxik ri jalajoj taq jastaq pa qatinamit Paxil Kayala' xuquje' rech qas k'o ri jun utzalaj k'as-lemal pa we tinamit.

Ruk' wa' kya ub'ixik chi oxib' ujachom wi rib' ri pwaq ksachik, sachoj pa taq ri jastaq, utaqij taq ri pwaq xuquje' ukojik chech yakib'al ib'.


Pwaqilal kojom jacha rajawaxik Rech ri junab' 2024

(Uk'utwa'chil pa kaxa pwaq)

K'asaj



Deuda Pública



Fuente: Sistema de Contabilidad Integrada -SICOIN-.


K'i ukojik ri pwaq rumal la' pa ri junab' 2024 k'o Q22,956.8 millones kkoj che ri jastaq jawi kuk'utwachij ri 18.4% chech ronojel ri pwaq k'olik xuquje' Q5,539.1 millones kkoj chech ri rajawaxik, Q17,397.7 millones pa upwaqil k'olom xuquje' Q20.0 millones xya' chech wene sutaq kkojik.

Rumal ri' ri 2,815 cholchak rech yakow jastaq jachom pa ri juwinaq keb' rech uq'ab' tinamit rech Paxil Kayala' chi kopan pa Q. 8,583.7 millones chi rich ri' Q. 4,660.0 millones rech taq ri cholchak chomatal rumal ri Ministerio rech Estado, xuquje' Q.3,923.7 millones chi kech ri Consejos Departamentales de Desarrollo Urbano y Rural (CODEDES) ya'om rumal ri Transferencia Capital rech ri K'olol Pwaq.

Rajawaxik kqak'amowaj chi ri Chak Patan rech Pwaqilal kuk'utwachij chi sib'alaj utz utaqexik b'anom chech ri ukojik ri uk'asaj Tinamit, xuquje' usuk'il ri taq utojik ral jacha' kilitaj chi kopan pa Q. 20,778.4 millones.

**Proyecto de Programa de Inversión Física,
Transferencias de Capital e Inversión Financiera 2024**
Programación Total de Proyectos de Inversión por
Departamento de los Ministerios de Estado y CODEDES

Código	Descripción	Número de obras
	TOTAL	2,815
01	GUATEMALA	227
02	EL PROGRESO	93
03	SACATEPÉQUEZ	55
04	CHIMALTENANGO	152
05	ESCUINTLA	55
06	SANTA ROSA	90
07	SOLOLÁ	132
08	TOTONICAPÁN	145
09	QUETZALTENANGO	140
10	SUCHITEPÉQUEZ	117
11	RETALHULEU	156
12	SAN MARCOS	240
13	HUEHUETENANGO	133
14	QUICHÉ	185
15	BAJA VERAPAZ	87
16	ALTA VERAPAZ	109
17	PETÉN	189
18	IZABAL	90
19	ZACAPA	101
20	CHIQUIMULA	81
21	JALAPA	108
22	JUTIAPA	126
30	MULTIREGIONAL	2
33	MULTIDEPARTAMENTAL REGIÓN III	1
34	MULTIDEPARTAMENTAL REGIÓN IV	1



Notas:

1. El número de obras incluye las programadas por los Ministerio de Estado y los Consejos Departamentales de Desarrollo.
2. A mayor densidad del color por departamento, mayor es el número de Proyectos de Inversión Programados.
3. Multiregional y Multidepartamentales, no se visualizan en el mapa.

Kilitaj chi kk'ulmataj wene kpaqi' ri uk'uxal ri k'asaj, ri Qatinamit are k'o ukoq chi sib'alaj man nim ta ri' ri pwaq kutzaqo kuk' le nik'aj taq tinamit chik chech ri Abya Yala. Ri k'asaj jacha' upwaqil rachi'l ri PIB kopan pa 27.9% k'a pa 2024, chila' kilitaj chi xa taján kqaj uloq.

Rumal k'u wa' kqaya ub'ixik chi we Qatinamit Paxil sib'alaj eta'matal uwach kumal ri nima'q taq wokaj ch'aqap ja' chi man k'o ta k'ax kuriq wa' pa uwi' ri upwaqilal, jacha' ne' lo ri wokaj Fondo Monetario Internacional (FMI) rumal chi kilitaj chi k'o je'lalaj chak pa uwi' ukojik sachik we pwaq ri'. Ruk' we chak, kq'alajisax chi ri uk'as ri qatinamit xa tajin


knich'ar chi nojimal chi uwach ri qame'r PIB kuchax chech, kopan pa (27.9%), ruk' weri' xa tajin kqaj ulo jun 1.7% chech ri PIB, ri upwaqilal ri Qatinamit.

Kilitaj chi ri suk'alaj chak b'anom pa uwi' ri ume'r korti'l ri Qatinamit Paxil Kayala', xa kuya kub'isab'al k'u'x chi qech rumal chi man xaq ta sachom apanoq, xane utz b'anom chech ukojik rech kk'iyar ri upwaqil ri qatinamit.

Pa rilik ronojel, xriqitajik chi ronojel ri chuq'ab' kojom chech chak patan sib'alaj ktob'anik uya'om utzalaj taq wa'lijisanem xuquje unimarik uwach ri pwaqil xuquje' tob'anaq chech ri tinamit Paxil kayala' xaq junam ruk' ri utzalaj ukojik ri upwaqil tinamit.

Uk'utwa'chil ri qajom pwaq rech Tinamit kutoq'ij ri PIB 2022-2024

(Ujachik pa kaxa pwaq)



Fuente: Sistema de Contabilidad Integrada -SICOIN-

NIK'AJ CHIK
Ukolomal uwach ri Pwaqilal rech ri Uk'u'x Wokaj
Jachom pa 2023- Oqxa'nem pa 2024

(Uiachik abanoc da kaxa owaqilal)

Jawi ksach wi	Jachom pa 2023*	Q'atom rij 2024	2024 % PIB
Ingresos Totales	91,119.6	103,446.2	12.3
Ingresos Corrientes	90,997.2	103,371.3	12.3
Tributarios	86,247.6	98,533.3	11.7
No Tributarios y Donaciones	4,749.6	4,838.0	0.6
Ingresos de Capital	122.4	74.9	0.01
Gasto Total	113,744.5	118,127.3	14.0
Funcionamiento e Inversión	102,031.6	104,101.6	12.3
Intereses de la Deuda Pública	11,712.9	14,025.7	1.7
Resultado Presupuestario (Déficit)	(22,624.9)	(14,681.1)	(1.7)
Financiamiento	22,624.9	14,681.1	1.7
Financiamiento Externo Neto	(1,277.6)	(1,193.9)	(0.1)
Financiamiento Interno Neto	12,720.6	8,113.2	1.0
Variación de Caja y Bancos	11,181.9	7,761.8	0.9
PIB (Escenario Bajo Banguat)			843,097.9
Total Presupuesto Gasto	118,173.4	124,880.0	14.8
Total Presupuesto Ingresos	118,173.4	124,880.0	14.8

Fuente: Sistema de Contabilidad Integrada -SICOIN-

Nota: pueden existir diferencias por redondeo.

*Aprobado mediante Decreto Número 54-2022 y sus ampliaciones al 31 de julio de 2023, de acuerdo a los artículos 104, 113, 117, 121 y 129 del mismo; y los Decretos números 01-2023, 05-2023 y 10-2023, todos del Congreso de la República de Guatemala.

Traducción realizada con el apoyo de:
Academia de Lenguas Mayas
 Traductor: Federico Manuel Tuy Ecoquij

¡Síguenos en nuestras redes sociales!

f @MinfinGt @FinanzasGt



Escanea los códigos QR

Abre el app de la cámara. Apunta hacia el código QR y presiona el link que aparece en tu pantalla



Proyecto de Presupuesto
General de Ingresos y
Egresos del Estado para
el Ejercicio Fiscal 2024



Resumen Ejecutivo



Proyecto del Programa
de Inversión Física,
Transferencias de Capital
e Inversión Financiera

